



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. I. An & quotuplex dari possit lex pœnalis?

[urn:nbn:de:hbz:466:1-77355](#)

ut dicitur lege ultimâ ff. de jurisdictione omnium iudicium.

79. Ex quo probata manet secunda pars, si enim existentes in territorio alieno, quamvis obiter & in transitu, statim ac ex eunt, hoc ipso liberantur a legibus proprii territorii, obligantur pariter legibus territorii alieni, eo ipso quod in eo sunt, quamvis obiter & in transitu. Si enim brevis absentia sufficit ad eximendum à subjectione legis proprii territorij, debet quoque sufficere brevis praesentia ad subjiciendum legibus alieni territorij. Par enim est ut sentiat onus, qui sentit commodum, ut dicitur regulâ 55. de regulis juris in 6.

80. Confirmatur ab inconvenienti quod sequitur ex adversa sententia, cum enim peregrini & adveniunt, ut ostendimus, leges proprii territorii à quo discesserunt servare non teneantur, si non tenerentur legibus loci per quem transeunt, nullis legibus particularibus obligantur; atque ita si esset lex aliqua particularis, qua tam in proprio territorio, quam in loco per quem transeunt, servaretur, ab illa fierent prorsus immunes, quod absurdum est.

81. Dices: Nemo fit alteri subditus, nisi ratione originis, vel domicilij, vel delicti: At peregrini non sunt subditi Principi loci per quem transeunt, ratione originis, ut per se patet; nec ratione delicti, posito quod non deliquerint in territorio alieno; nec etiam ratione domicilii, aut quasi domicilij, cum ad domicilium acquirendum requiratur habitatio perpetua, vel quæ saltē non sit minor maiore anni parte: Ergo peregrini non tenentur legibus loci per quem transeunt.

Respondeo distinguendo Majorem: Nemo fit alteri subditus permanenter, nisi ratione originis vel domicilij, vel delicti, concedo Majorem. Transeunter, nego Majorem. Ad obligationem enim & subjectionem transeunter, sufficit brevis praesentia, quemadmodum ad transeunter exemptionem à jurisdictione proprii territorii, sufficit brevis & transiens absentia.

§. IV.

Corollaria notata digna.

82. Ex dictis colligitur primò, advenas & peregrinos transeuntes per loca in quibus festum aliquod celebratur, si sint ibi toto mane diei festi, teneri sacrum audire, non tamen ibi commorari ut audiant. Similiter etiam tenentur quandiu ibi sunt, abstinere ab opere servili die festo, & à cibis prohibitis in die jejuni. Unde cap. Illa dist. 12. refert illud Ambrosij ad Augustinum: Cum Romani venio, jejuno sabbato, cum Mediolanum sum, non jejuno. Sic etiam in ad quam forte Ecclesiam veneris, ejus morem serva. Ubi glossa ait: Viatores tenentur sequi consuetudinem loci ad quem veniant.

Colligitur secundò, abeuntem mane ex proprio domicilio, in quo jejuniū obligat, & nocte pervenientem ad locum ubi jejuniū non obligat, posse nocte cœnare, carnesque comedere, cum discedens non teneatur servare leges sui domicilii, sed possit sequi leges favorabiles loci per quem transit.

83. Colligitur tertio, non posse Mediolanensem transeuntem per loca ubi diebus quatuor ante primam Dominicam Quadragesimā jejunatur, non jejunare, quia tenetur servare leges & consuetudines loci per quem transit. Similiter ob eandem

rationem non possunt Hispani transeuntes per Galliam, Italiā, vel Germaniam, animalis extremitates & intestina die sabbati comedere, quamvis hoc eis liceat quando sunt in Hispania, ex privilegio speciali ipsis concessō per bullam cruciatam.

Colligitur quartò, irritum esse matrimonium clandestinum contractum in loco ubi Tridentinum servatur ab incola loci ubi Tridentinum non servatur: contra verò ratum ac validum fore matrimonium clandestinum, celebratum in loco ubi Tridentinum non servatur, ab incola loci in quo Tridentinum servatur; Tum quia ut diximus adveni & peregrini subjiciuntur legibus loci per quem transeunt, & possunt uti privilegiis & exemptionibus, quibus gaudent incola illius loci: Tum etiam, quia matrimonium, cum sit quidam contractus civilis & humanus, sequitur leges & consuetudines loci in quo celebratur. Quod adeò verum putant aliqui, ut afferat, quod tametsi quis ex animo ad locum illum in quo Tridentinum non servatur se transferret, ut ibi clandestinè contraheret, valeret matrimonium; cum hoc non tam sit frus, quam usus proprii juris, quod quis à lege habet validè contrahendi in loco Canonico jure ab onere & conditione per Tridentinum statuta exempto. Ita Sanchez lib. 3 de matrimonio disp. 8. Idem alij censem de jejuniō, & observatione diei festi, existimant enim quod etiam si quis ex industria recederet ab illis locis, ubi jejuniū vel dies festus celebratur, ut laboraret in alio loco, vel ibi non jejunaret, sed carnes coquederet, non peccaret, quia (inquit) hoc non esset frus vel dolus, sed fuga quedam obligationis præcepti, qua contra præceptum non est.

Colligitur quintò, vagos qui nullibi domicilium habent, nec ullibi diu morantur, teneri legibus loci per quem transeunt, quia per transiū aut brevem moram in locis illis, sunt legibus illorum subditi, eò quod, ut supra dicebamus, ad obligationem & subjectionem transeunter sufficit brevis praesentia; quemadmodum ad transeunter exemptionem à jurisdictione proprii territorii, sufficit brevis & transiens absentia.

DISPUTATIO VI.

De lege penalī.

Huc usque diximus de lege humana in communione. Jam de quibusdam illius speciebus, quæ peculiarem habent difficultatem, differendum est. Ac primò de lege penalī, cuius ratio valde ab aliis differens, speciali declaratione & disputatione indiget.

ARTICVLVS PRIMVS.

An & quotplex dari possit lex penalī?

Dico primò, dari posse legem purè penalem. Probatur, quia nihil impedit quominus legislator ejusmodi legem ferre possit, quid enim impedit quominus prohibeat aliquid fieri à subditis suis, non absolute quidem, sed conditio-

DE LEGE POENALI.

553

A natè, hoc est nisi velint pœnam subire? Sicut aliquis per votum hanc privatam legem pœnalem sibi potest imponere, vovendo scilicet se non quam lusurum, vel si ludere contingat, se datum eleemosynam pauperibus. Talis autem lex, quam sic ferret legislator, esset vera, & merè pœnalis, ut constabat ex dicendis conclusione sequenti: Ergo lex merè pœnalis dari potest.

Dico secundò, multiplicem esse legem pœnalem.

Probatur: Lex enim pœnalis dividitur primò in eam, qua pœnam tantum comminatur, ita ut non incurritur, nisi accedat judicis sententia, vel executio; & in eam, qua ipso facto pœnam infligit, & per seipsum exequitur, vel obligat reum ad exequendum, non expectata judicis sententiā aut executione.

B Dividitur secundò in purè pœnalem, & mixtam: Mixta dicitur illa qua continet duo præcepta: unum faciendi actum quem præcipit, alterum, exequendi vel subeundi pœnam appositam, nisi fiat actus præceptus, vel nisi abstineatur ab actu prohibito. Purè vero pœnalis illa est, qua unum tantummodo præceptum disjunctivum continet, nimirum vel faciendi actum præscriptum, vel subeundi pœnam appositam, ita ut ad patendum legi & vitandum peccatum, alterutrum sufficiat; potest enim legislator utroque modo præcipere aliquem actum, nimirum vel absolutè obligando ut fieri, vel conditionatè tantum, ut vel fiat, vel subeatur pœna adjuncta; nolens præcisè & determinatè obligare in conscientia ut fiat, sed contentus illo modo coactionis, & impellens solùm timore pœna ad faciendum; sicut enim liberum illi est præcipere vel non præcipere talem actum, ita & illum absolutè vel conditionatè præcipere.

C In his omnes ferè Theologii convenientiunt, sed difficultas & controversia est inter illos, an quando legislator condendo legem pœnalem, nihil exprimit de obligatione ad culpm, lex pœnalis ad eam obligat, vel solùm ad pœnam: Triplex enim circa hoc versatur Authorū sententia. Prima assérerit, nullam legem humanam pœnalem obligare ad aliquam culpm, sed solùm ad pœnam, nisi legislator id expresserit suā lege, vel antea per aliquam legem divinam vel humanam non pœnalem, idem præceptum sit. Ita Navarrus in summa cap. 23, & Valentia hīc disp. 7. quæst. 5. puncto 6.

E Secunda distinguit inter legem purè pœnalem, & mixtam, primamque docet non obligare ad aliquam culpm, sed solùm ad pœnam, nisi legislator id suā lege expresserit; aliam vero & ad culpm & ad pœnam obligare, quamvis id legislator non exprimat. Hanc tenent Alfonchus à Castro lib. 1. de lege pœnali cap. 8. & 9. cui subscribunt Suarez, Vazquez, Micerius, & alij.

Tertia vero existimat, omnem legem pœnalem, sive puram, sive mixtam, obligare non solùm ad pœnam, sed etiam ad culpm, nisi legislator contrarium expresserit. Ita Magister Soto lib. 1. de justitia quæst. 6. art. 5. Sylvester verbo *Inobedientia*, Armilla codem verbo, num. 2. & Bellarminus lib. 3. de membris Ecclesiæ cap. 11. & communiter Discipuli D. Thomæ. Quæ sententia probabilior est, & principiis precedenti disputatio statutis conformior; nam, ut ibi dicebamus, obligatio in actu secundo ad culpm, consequitur legem per modum proprietatis, impedibilis tamē a legislatore: Ergo posita verâ lege, qualis est pœnalis, statim sequitur obligatio ad culpm,

Tom. III.

A nisi legislator ferendo talēm legem, declarat se non intendere obligare ad culpm.

Confirmatur primò: Leges humanae, quæ absque pœnar comminatione ponuntur, ad culpm obligant, ut omnes fatentur: Ergo & illæ quæ statuantur cum comminatione pœna. Probatur Consequentia, quia impositio pœnae non tollit obligationem ad culpm, sed indicat illam, nam ut ait Augustinus lib. 1. Retract. cap. 9. *Omnis pœna, si iusta est, peccati pœna est, & supplicium nominatur.*

Confirmatur secundò: Diversæ leges pœnales diversas imponunt pœnas: Ergo presupponunt diversas culpas, si aliunde legislator contrarium non exprimat; non enim existimandum est, legislatorem diversas & graviores pœnas infligere, nisi pro diversis & gravioribus culpis.

Confirmatur tertio: Lex quam imposuit Deus primis parentibus, fui pœnalis, ut patet ex illis verbis Genes. 2. *In quacunque die comederis ex eo, morte morieris:* At certum est de fide, eam obligasse ad culpm: Ergo lex pœnalis obligat ad culpm, nisi contrarium legislator exprefserit.

Objicies primò: Omnis lex, maximè pœnalis, benigè interpretanda est, quando aliud non constat de mente legislatoris: Ergo quando in lege pœnali legislator suam non exprimit voluntatem obligandi ad culpm, existimandum est, ipsum obligare ad solam pœnam. Consequentia videatur manifesta, nam alias non benignè, sed valde odiosè, mentem legislatoris interpretarèmus.

Respondeo quod licet omnis lex, maximè pœnalis, benigè interpretanda sit, hoc tamen debet fieri juxta naturam ipsius legis, non vero extrahendo illam a suo statu conaturali: unde cum pertinet ad statum connaturalis legis, ut obligari ad culpm, nisi contrarium legislator exprimat, ut constat ex dictis, eam ad culpm obligare censendum est, nisi oppositum legislator exprefserit.

Objicies secundò: Aliquando incurrit irregularitas, qua pœna est lege imposta, absque aliqua culpa, ut irregularitas bigamia, & occisionis justæ, & similiiter pœna interdicti, comprehendens innocentes: Ergo lex pœnalis obligat ad solam pœnam, non vero ad culpm, quando legislator legem condendo, nullam obligationis ad culpm mentionem fecit.

Respondeo quod irregularitates illæ non habent propriè rationem pœnæ, sed dicuntur à iure irregularitates significationis, qua absque culpa incurritur; unde leges illas statuuntur, non sunt leges pœnales, de quibus procedit difficultas, & sic argumentum non est ad rem. Ad illud vero quod additur de interdicto, respondeo quod semper imponitur propter culpm aliquid, unde lex præcipiens aliquid sub pœna interdicti, obligat non solùm ad pœnam, sed etiam ad aliquam culpm: quod autem aliqui puniantur sine culpa propria, propter culpm aliorum, multoties expedit in ordine ab bonum commune; sed tunc illa punitione non habet propriè rationem punitionis seu pœna respectu illorum qui patiuntur, sed respectu illius qui culpm commisit, qui non solùm punitur in se, sed etiam in aliis, qui sunt aliquid illius, utpote compartes ejusdem communitatatis.

Objicies tertio: Votum pœnale solùm obligat ad pœnam, si enim aliquis voeat se non lufurum sub pœna recitandi rofarium, vel dandi eleemosynam pauperibus, satisfacit, frangens votum, si rofarium recitet, vel pauperibus eleemosynam

A A A

DISPV TATIO QVINTA

554

largiatur : Ergo idem dicendum est de legē pœnali. Patet consequentia , à paritate rationis; votum enim est quasi quædam privata lex, quam vovens sibi imponit , sicut lex Principis aut Legislatoris , est lex communis toti communitati imposta.

15.

Respondeo hoc argumentum defūlptum ex analogia & proportione, qua reperitur inter legem & votum , magis nobis favere , quām noçere, magisque confirmare quām infirmare nostram sententiam. Sicut enim si vovens quando emisit votum , solum intenderit se ad aliquam pœnam obligare , & nullo modo ad culpam , non obligatur nisi ad pœnam ; scilicet verò si absolvèt voverit , & votum emitendo non expresserit quod nollet se obligare ad culpam, sed solum aliquam sibi impone pœnam , posito quod votum non impleverit. Ita similiter nos dicimus , quod si legislator condens' legem pœnalem , solum intendat subditos obligare ad pœnam , & intentionem suam exprimat , talis lex non obligat ad culpam , sed tantum ad pœnam : è contra verò si legislator id non exprimat , & legem absolutè condat , non solum ad pœnam , sed etiam ad culpam subditos obligat , quia , ut supra dicebamus , obligatio ad culpam consequitur legem per modum proprietatis , impedibilis tamen à legislatore ; unde si legislator non impedit ne obligatio ad culpam legem consequatur , volendo quod ad culpam non obligat , idque declarando & exprimendo , reverà obligat ad culpam , & non solum ad pœnam .

ARTICVLVS II.

An leges pœnales obligent in foro conscientiae ad pœnam subeundam ante Iudicis sententiam?

§.

Quibusdam præmissis referuntur sententia , & vera eligitur.

16.

Notandum primò : Leges pœnales quandoque continere pœnas non latas , sed ferendas ; aliquid vero pœnas latas continere. Tunc censetur continere pœnas ferendas , quando in illis non exprimitur hæc particula , ipso facto , ipso jure , aut alia similis : cum enim leges pœnales odiose sint , in benigniorem partem sunt interpretande , si contrarium aliunde non constet. Tunc vero censetur continere pœnas latas , quando in ipsis exprimitur illa particula , ipso facto &c. Præfens ergo difficultas non procedit de legibus continentibus pœnas ferendas (istas enim manifestum est non obligare ad pœnam statim subeundam , sed committere pœnam Judicii , ut illam infligat) sed de legibus continentibus pœnas latas.

17.

Notandum secundò , pœnas latas esse in duplice differentia : quadam sunt passiva , quæ consistunt in pura privatione , ut excommunicationis , irregularitas , suspensio &c. Aliæ sunt activæ , quæ requirunt aliquam actionem executivam talis pœna , v.g. pœna mortis , exilio , aut spoliatio nis bonorum . His præmissis

18.

Circa propositam difficultatem triplex versatur sententia. Prima docet , nullam legem pœnalem obligare ad pœnam , etiam privativam , ante iudicis sententiam , unâ Ecclesiastice lege exceptâ de excommunicatione ipso facto incurrienda , quæ quia hominem privat , non propriis , sed alienis

A Ecclesiæ bonis , quorum per excommunicationem definit homo esse particeps , justè ab Ecclesia imponi potest ipso facto incurrienda ante ullam iudicis sententiam. Ita Sotus lib. 1. de Justitia quæst. 6. art. 6.

Secunda è contra asserit , legem humanam posse obligare in conscientia ante omnem sententiam ad quacumque pœnam , sive privativam , sive positivam , sive gravem , sive levem , illa tantummodo exceptâ , quæ malitiam includeret , si ab ipsomet reo executioni mandaretur , cujusmodi est occisio seu mutilatio sui ipsius. Ita videntur sentire Alphonſus à Castro lib. 2. de lege pœnali cap. 5. & 8. & sequentibus , Felinus , & alij Canonistæ , in capite primo de Constitutione.

Tertia verò fatetur quidem legem humanam posse obligare in conscientia ante omnem sententiam , ad quacumque pœnam passivam seu privativam , non tamen ad pœnam activam , seu qua ad sui executionem aliquam actionem requirit. Hanc docet Cajetanus 2. 2. quæst. 62. art. 3. & Serra hic quæst. 6. art. 4. dubio 3. cum quibus

Dico primo , legem humanam posse obligare in foro conscientia , ante sententiam judicis , ad quacumque pœnam passivam seu privativam , seu quæ ipsius rei actionem & executionem non requirit.

Probatur primò : Leges que imponunt pœnas excommunicationis , suspensionis , interdicti , & irregularitatis , possunt obligare ad illas , ante sententiam judicis , ut fatetur Soto : Ergo & impónentes quæcunque alias pœnas , qua ad executionem nullam requirunt actionem.

Nec valet discriñen quod ille Author inter excommunicationem & alias pœnas adducit , nimirum quod excommunicationis & alia censura Ecclesiastica , privat solum hominem bonis communib⁹ , quorum Ecclesia est dispensatrix ; alia verò pœna privat hominem bonis suis propriis , quæ jure particulari possidet. Non valet , inquam , tum quia s̄ p̄ majoris momenti & estimationis

D sunt bona communia , quām privata ; tum etiam quia excommunicationis non tantum auferit bona communia , sed etiam propriæ , nempe vocem eligendi , & capacitatem ut quis eligatur. Addo quod non definiunt leges pœnales , quæ de facto ante iudicis sententiam , reum privat propriis bonis , ut lex , quæ parochiali beneficio privat eum , qui intra annum post acceptum beneficium sacerdotium non suscipit : lex , quæ fructibus beneficij privat officium non recitantem : lex , quæ Episcopum ad fructuum perceptorum restitutio nem obligat , si post tres menses munus confectionis non suscepit , quæque eundem , si intra totidem menses postea id non fecerit , Episcopatu ipso spoliat , ut constat ex Tridentino sess. 23. de reformatione cap. 1. Demum Ecclesia in pœnam criminis reddit aliquos inhabiles ad matrimonium ipso facto , nimirum adulteros , spe futuri matrimonij adulterantes , aut mortis conjugis reos ; talium enim matrimonium ante omnem sententiam iritum est.

Dixi autem legem humanam posse obligare ante sententiam judicis ad quacumque pœnam passivam , seu privativam , quia non semper de facto obligat , sed potest aliter disponi in jure communis aut particulari , ut in nostri Ordinis constitutis disponitur , nam in earum prologo sic dicitur : *Pœnis tamen absolutionis ab officio , privacionis vocis activa , vel passiva , gravigris culpa*,